

**MALAYSIA**  
**DEWAN RAKYAT**  
**ATURAN URUSAN MESYUARAT**

**NASKHAH SAHIH/BAHASA MALAYSIA**

<http://www.parlimen.gov.my>

**HARI SELASA, 2 DISEMBER 2008, PUKUL 10.00 PAGI**

**Bil. 71**

---

**PERTANYAAN-PERTANYAAN BAGI JAWAB LISAN**

1. PR-1213-L14762  
**Tuan Haji Ahmad Lai bin Bujang [ Sibuti ]** minta **MENTERI KESIHATAN** menyatakan berapa banyak aduan kecuiaan Pihak Hospital yang diterima oleh Kementerian mengikut setiap negeri dan akibat kecuiaan ini berapa banyak ganti rugi yang dibayar akibat kecuiaan pihak hospital dari tahun 2006-2007 dan hingga Ogos 2008.
2. PR-1213-L15303  
**Tuan Mahfuz bin Omar [ Pokok Sena ]** minta **MENTERI KERJA RAYA** menyatakan berapakah jumlah bangunan Persekutuan seluruh negara dan berapa jumlah kos penyelenggaraan serta nyatakan senarai syarikat kontraktor yang memperolehi dan sedang menjalankan kerja-kerja penyelenggaraan dan tempoh kontrak yang diperolehi serta jenis-jenis kerja penyelenggaraan.
3. PR-1213-L15988  
**Datuk Md.Sirat bin Abu [ Bukit Katil ]** minta **MENTERI PEMBANGUNAN USAHAWAN DAN KOPERASI** menyatakan sejauh manakah Perusahaan Kecil Sederhana (PKS) mengalami impak dari kenaikan harga minyak dan bahan-bahan mentah sejak tahun 2007. Apakah langkah-langkah jangka pendek dan jangka panjang yang diambil untuk membantu PKS terbabit dari terus gulung tikar.
4. PR-1213-L14792  
**Puan Fong Po Kuan [ Batu Gajah ]** minta **MENTERI DALAM NEGERI** menyatakan keberkesanan masih mengadakan pemuliharaan cara pembuangan negeri dan nyatakan bentuk pemuliharaan dan bantuan kepada ahli keluarga yang terlibat serta jumlah orang masih di bawah perintah ini setakat ini.

5. PR-1213-L16283  
**Datuk Sapawi bin Haji Ahmad [ Sipitang ]** minta **PERDANA MENTERI** menyatakan :-
- (a) jumlah Siswazah Lulusan Tahfiz Al-Quran yang dikendalikan oleh JAKIM; dan
  - (b) perancangan pihak JAKIM bagi menyediakan tenaga profesional terhadap masa depan negara.
6. PR-1213-L16090  
**Tuan Manikavasagam A/L Sundaram [ Kapar ]** minta **MENTERI PELAJARAN** menyatakan :-
- (a) berapakah peruntukan yang diberikan kepada SRJK (Tamil) Tepi Sungai Klang bagi pembinaan bangunan baru dan bilakah ia sepatutnya siap dibina dan apakah sebab utama yang menyebabkan kelewatan dalam menyiapkan projek-projek sekolah Tamil; dan
  - (b) berapakah jumlah sekolah yang dibina oleh pihak PIBG dan berikan pecahan mengikut jenis sekolah dan berapakah jumlah sumbangan mereka mengikut jenis sekolah.
7. PR-1213-L14956  
**Dato' Seri Tiong King Sing [ Bintulu ]** minta **MENTERI DALAM NEGERI** menyatakan :-
- (a) berapakah jumlah peruntukan yang telah diperuntukkan kepada Bahagian Logistik Pasukan Polis Diraja Malaysia dalam usaha-usaha menambah baik kemudahan pentadbiran pejabat polis; dan
  - (b) bagaimanakah jumlah peruntukan tersebut diagihkan bagi setiap negeri.
8. PR-1213-L15013  
**Tuan Haji Taib Azamudden bin Md Taib [ Baling ]** minta **MENTERI PERDAGANGAN DALAM NEGERI DAN HAL EHWAL PENGGUNA** menyatakan adakah Kerajaan sedar disebabkan kos pengangkutan yang amat tinggi ke kampung-kampung di luar bandar menyebabkan harga barangan runcit dan makanan lebih tinggi berbanding di bandar dan ini amat membebankan penduduk, apakah usaha Kerajaan untuk mengatasinya.
9. PR-1213-L14951  
**Datuk Siringan bin Gubat [ Ranau ]** minta **MENTERI PERUSAHAAN PERLADANGAN DAN KOMODITI** menyatakan berapa keluasan tanaman kelapa sawit seluruh negara dan sumbangannya kepada ekonomi negara mengikut pecahan hasil yang diperoleh dari Sabah, Sarawak dan Semenanjung Malaysia dari 2003 hingga Jun 2008.

10. PR-1213-L15804  
**Puan Hajah Fuziah binti Salleh [ Kuantan ]** minta **MENTERI TENAGA, AIR DAN KOMUNIKASI** menyatakan :-
- (a) apakah tindakan Kerajaan untuk menjimatkan kegunaan bahan api dan tenaga termasuk lampu-lampu di jalan raya dan bangunan Kerajaan di Kuala Lumpur dan Putrajaya; dan
  - (b) berapakah anggaran penjimatan Kerajaan dalam masa setahun sekiranya lampu-lampu tersebut dikurangkan 2 jam sehari.
11. PR-1213-L14690  
**Dato' Ismail bin Kasim [ Arau ]** minta **PERDANA MENTERI** menyatakan jumlah keuntungan yang dicapai mengikut negara hasil daripada pelaburan yang dibuat oleh Petronas ke atas lebih daripada 33 buah negara di seluruh negara.
12. PR-1213-L15545  
**Dato' Haji Wan Abd Rahim bin Wan Abdullah [ Kota Bharu ]** minta **PERDANA MENTERI** menyatakan jumlah peruntukan mengurus Jabatan Pembangunan Persekutuan Kelantan (JPPK) yang ditubuhkan untuk mengambil alih tugas-tugas dan peranan Pejabat Kemajuan Negeri Kelantan sebagai agensi utama menyelaras dan memantau pelaksanaan projek-projek pembangunan persekutuan di negeri Kelantan sejak 1 Januari 1991 dan juga mengikut pecahan tahun.
13. PR-1213-L14874  
**Ir. Haji Hamim Bin Samuri [ Ledang ]** minta **MENTERI KEWANGAN** menyatakan berapa banyak lagi pembinaan rumah-rumah yang terbengkalai dan apakah kemajuan ke atas pembelaan pembeli melalui Khazanah Negara di bawah skim menyiapkan projek perumahan terbengkalai.
14. PR-1213-L15631  
**Tuan Er Teck Hwa [ Bakri ]** minta **MENTERI DALAM NEGERI** menyatakan berapakah bilangan penduduk tetap di Johor yang telah menjadi warga Malaysia pada tahun 2006, 2007 dan 2008. Apakah syarat-syarat yang diperlukan.
15. PR-1213-L14739  
**Datuk Dr. Marcus Mojigoh [ Putatan ]** minta **MENTERI PERDAGANGAN DALAM NEGERI DAN HAL EHWAL PENGGUNA** menyatakan bilakah Kerajaan bercadang untuk memanjangkan penggunaan kenderaan gas asli (NGV) di negeri Sabah.

16. PR-1213-L15348  
**Dato' Abdul Manan bin Ismail [ Paya Besar ]** minta **MENTERI DALAM NEGERI** menyatakan sejauh mana kegiatan jenayah dilakukan oleh pekerja asing atau warga asing di negara ini, memudaratkan nilai budaya dan ketenteraman awam. Apakah langkah Kerajaan mengatasinya.
17. PR-1213-L16093  
**Datuk Seri Panglima Joseph Pairin Kitingan [ Keningau ]** minta **MENTERI PELAJARAN** menyatakan sama ada Kerajaan mempunyai cadangan untuk memberikan bantuan kepada Sekolah Mission seperti yang diberikan kepada Sekolah Tamil.
18. PR-1213-L15175  
**Tuan Haji Che Uda bin Che Nik [ Sik ]** minta **MENTERI PERTANIAN DAN INDUSTRI ASAS TANI** menyatakan status terkini Projek Ikan Hiasan di Kampung Bendang Man Sik yang dikatakan telah gagal. Apakah langkah penambahbaikan yang diambil projek ini bagi meringankan beban pesertanya.
19. PR-1213-L15115  
**Datuk Rosnah Binti Abdul Rashid Shirlin [ Papar ]** minta **MENTERI PEMBANGUNAN WANITA, KELUARGA DAN MASYARAKAT** menyatakan bilakah Kerajaan akan melaksanakan cuti bersalin selama 90 hari untuk isteri-isteri yang bekerja serta cuti 30 hari untuk suami kepada isteri-isteri yang bersalin seperti yang pernah dipertimbangkan oleh Kementerian sebelum ini.
20. PR-1213-L15056  
**Tuan Chong Chieng Jen [ Bandar Kuching ]** minta **MENTERI PERTANIAN DAN INDUSTRI ASAS TANI** menyatakan sebab-sebab masalah kekurangan subsidi diesel yang dihadapi oleh nelayan-nelayan tempatan di Sarawak dan apakah tindakan yang akan diambil oleh Kerajaan untuk menyelesaikan masalah tersebut.
21. PR-1213-L14799  
**Datuk Haji Mohamed Bin Haji Aziz [ Sri Gading ]** minta **PERDANA MENTERI** menyatakan adakah Kerajaan bercadang untuk mengurangkan syarat minimum 5 tahun untuk pelepasan status kebangkrapan kepada 3 tahun.
22. PR-1213-L15998  
**Tuan Lim Guan Eng [ Bagan ]** minta **PERDANA MENTERI** menyatakan pecahan peruntukan pembangunan yang diberikan kepada Pulau Pinang setiap tahun sejak 2000 dan berikan pecahan setiap butiran pembangunan mengikut projek dan nyatakan status kemajuan kerja yang dijalankan.

23. PR-1213-L16295  
**Datuk Ir. Edmund Chong Ket Wah [ Batu Sapi ]** minta **MENTERI TENAGA, AIR DAN KOMUNIKASI** menyatakan adakah loji tenaga yang dijana oleh arang batu adalah pilihan yang terbaik dalam menghasilkan elektrik bagi kawasan pantai timur Sabah dan apakah keputusan terakhir mengenai lokasi loji tenaga tersebut.
24. PR-1213-L15497  
**Tuan Salahuddin Bin Haji Ayub [ Kubang Kerian ]** minta **MENTERI LUAR NEGERI** menyatakan adakah Kerajaan bersedia dan berminat untuk memulakan usaha yang bersungguh-sungguh mendapatkan bukti-bukti penemuan baru bagi membawa kembali isu rayuan pemilikan Batu Puteh ke Mahkamah Keadilan Antarabangsa (ICJ).
25. PR-1213-L16208  
**Datuk Halimah binti Mohd Sadique [ Tenggara ]** minta **MENTERI PERUMAHAN DAN KERAJAAN TEMPATAN** menyatakan :-
- (a) apakah perkembangan terkini mengenai pelaksanaan Local Agenda 21 di setiap PBT di negara ini; dan
  - (b) bagaimanakah kualiti dan kemahiran kepimpinan dan kakitangan PBT dapat dipastikan untuk penyediaan perkhidmatan berkualiti dan mesra pelanggan.
26. PR-1213-L16240  
**Dato' Ngeh Koo Ham [ Beruas ]** minta **MENTERI PERUMAHAN DAN KERAJAAN TEMPATAN** menyatakan sama ada ia akan bersetuju jika Kerajaan-kerajaan Tempatan dan Kerajaan Negeri Perak diberikan kebebasan untuk mengendalikan sistem pelupusan sisa pepejal tanpa campur tangan syarikat swasta yang telah dipilih oleh Kerajaan Persekutuan untuk mengendalikan sistem pelupusan sisa pepejal ini.
27. PR-1213-L15711  
**Datuk Tiong Thai King [ Lanang ]** minta **MENTERI SUMBER ASLI DAN ALAM SEKITAR** menyatakan menerusi pengalaman lepas, negara kita akan menghadapi masalah jerebu pada musim kemarau (bulan Ogos dan September) akibat pembakaran terbuka di Indonesia untuk pertanian. Apakah persetujuan yang telah dicapai melalui perbincangan dengan Indonesia.
28. PR-1213-L15930  
**Puan Nurul Izzah Binti Anwar [ Lembah Pantai ]** **MENTERI TENAGA, AIR DAN KOMUNIKASI** menyatakan :-
- (a) apakah sumber rujukan Kerajaan dalam membuat keputusan membina 12 Empangan di Sarawak untuk tambahan kapa sita kepada Empangan Bakun (2,400MW) yang merupakan penambahan 600% kepada jumlah kapasiti tenaga 7,000MW menjelang 2020; dan

- (b) adakah maklum balas Kerajaan terhadap kenyataan Pengerusi Centre for Development and Environment Malaysia yang menyarankan ketidakperluan pembinaan Empangan Hidroelektrik Mega.

29. PR-1213-L16462  
**Tuan John A/L Fernandez [ Seremban ]** minta **MENTERI PERUMAHAN DAN KERAJAAN TEMPATAN** menyatakan apakah rasionalnya komuniti yang menduduki kawasan perumahan 'gated' and 'guarded', membayar yuran perkhidmatan kepada Pemaju bagi kemudahan membersihkan longkang dan memotong rumput sedangkan ianya dirangkumi dalam bayaran cukai taksiran kepada Kerajaan tempatan yang juga dikenakan kepada komuniti tersebut.
30. PR-1213-L15449  
**Dato' Razali Bin Haji Ibrahim [ Muar ]** minta **MENTERI TENAGA, AIR DAN KOMUNIKASI** menyatakan status cadangan penggunaan tenaga nuklear sebagai pilihan kepada program penjanaan kuasa elektrik di negara ini.
31. PR-1213-L16134  
**Tuan Matulidi bin Jusoh [ Dungun ]** minta **MENTERI PENERANGAN** menyatakan adakah Kementerian akan mengambil langkah segera bagi memastikan semua kawasan-kawasan seluruh negara mendapat siaran rancangan-rancangan siaran radio dan televisyen (TV) dan sejauh manakah tindakan yang diambil terhadap kawasan-kawasan penempatan rakyat yang tidak mendapat liputan siaran radio dan televisyen.
32. PR-1213-L14747  
**Tuan Kulasegaran A/L Murugeson [ Ipoh Barat ]** minta **MENTERI KEWANGAN** menyatakan apakah yang menyebabkan Kerajaan memilih Pos Malaysia Bhd dalam pemberian Rebet Petrol/Diesel kepada rakyat dan adakah mana-mana syarikat menjadi perantara dalam pelaksanaannya seperti mana yang disebarkan melalui e-mel baru-baru ini.
33. PR-1213-L15146  
**Dato' Lilah bin Yasin [ Jempol ]** minta **MENTERI SUMBER ASLI DAN ALAM SEKITAR** menyatakan :-
- (a) apakah bidang kuasa Menteri dalam mengawal kemusnahan hutan dalam negara; dan
- (b) apakah tindakan yang telah diambil.

34. PR-1213-L16024  
**Dr. Haji Dzulkefly bin Ahmad [ Kuala Selangor ]** minta **MENTERI PEMBANGUNAN USAHAWAN DAN KOPERASI** menyatakan langkah-langkah konkrit bagi membantu syarikat-syarikat PKS yang sedang dan akan mengalami masalah akibat kenaikan kos operasi rentetan daripada kenaikan kos bahan api dan inflasi terkini yang membebankan.

**ATURAN URUSAN MESYUARAT DAN USUL-USUL**

1. **Menyambung semula pertimbangan ke atas Rang Undang-undang Perbekalan 2009 (D.R.16/2008) dan Usul Anggaran Perbelanjaan Pembangunan 2009 seperti berikut:-**

“ Bahawa Dewan ini, mengikut seksyen 4(3) Akta Kumpulan Wang Pembangunan 1966, membuat ketetapan iaitu satu jumlah wang sebanyak tidak lebih daripada lima puluh tiga bilion tujuh ratus dua puluh sembilan juta satu ratus empat puluh lima ribu ringgit (RM53,729,145,000) dibelanjakan daripada Kumpulan Wang Pembangunan bagi tahun 2009, dan bagi tujuan-tujuan dan butiran-butiran perbelanjaan pembangunan yang dinyatakan di bawah Maksud Pembangunan atau (“P”) dalam senarai Bajet Persekutuan 2009, yang dibentangkan sebagai Kertas Perintah 41 Tahun 2008, adalah diuntukkan di bawah Maksud-maksud yang berkenaan jumlah-jumlah yang bersementaraan dengan butiran-butiran itu di ruangan lapan dan sembilan senarai tersebut. “

**Dalam Jawatankuasa Sebuah-buah Majlis (01 Disember 2008)**

- |    |                |  |                                   |
|----|----------------|--|-----------------------------------|
| 2. | (D.R. 13/2008) | Rang Undang-undang Indentifikasi Asid Deoksiribonukleik (DNA) 2008 – <b>Pertimbangan dalam Jawatankuasa Sebuah-buah Majlis. (28 Ogos 2008)</b> |                                   |
|    |                |  | <b>(Menteri Dalam Negeri)</b>     |
| 3. | (D.R. 12/2008) | Rang Undang-undang Universiti dan Kolej Universiti (Pindaan) 2008  | <b>Bacaan Kali Yang Kedua</b>     |
|    |                |  | <b>(Menteri Pengajian Tinggi)</b> |
| 4. | (D.R. 14/2008) | Rang Undang-undang Institusi Pendidikan Tinggi Swasta (Pindaan) 2008.  | “                                 |
|    |                |  | <b>(Menteri Pengajian Tinggi)</b> |
| 5. | (D.R. 15/2008) | Rang Undang-undang Latihan Khidmat Negara (Pindaan) 2008.  | “                                 |
|    |                |  | <b>(Menteri Pertahanan)</b>       |
| 6. | (D.R. 19/2008) | Rang Undang-undang Lembaga Hasil Dalam Negeri Malaysia (Pindaan) 2008.   | “                                 |
|    |                |  | <b>(Menteri Kewangan)</b>         |

7. (D.R. 17/2008) Rang Undang-undang Kewangan 2008 “  
**(Menteri Kewangan)**
8. (D.R. 18/2008) Rang Undang-undang Orang-Orang Papa (Pindaan) 2008 “  
**(Menteri Pembangunan Wanita, Keluarga dan Masyarakat)**

9. **Menteri Kewangan** akan mencadangkan :

“ Bahawa Dewan ini, mengikut peruntukan di bawah Seksyen 5 Akta Persatuan Pembangunan Antarabangsa 1960, mengambil ketetapan bersetuju supaya Malaysia membuat sumbangan kepada Program Penambahan Semula Dana Persatuan Pembangunan Antarabangsa ke Lima Belas sebanyak RM7,327,324. “

10. PR-1213-U14748

**Datuk Dr. Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa, sejak akhir-akhir ini, seluruh dunia dan tidak ketinggalan negara Malaysia, menghadapi masalah pencemaran alam sekitar yang amat serius. Dan mengambil maklum bahawa selain menyebabkan pencemaran alam sekitar, plastik telah menyumbang kepada kejadian banjir, takungan air yang menjadi tempat pembiakan nyamuk dan lain-lain lagi masalah yang boleh memudaratkan kesihatan dan keselamatan manusia sejagat. Dan mengambil maklum bahawa, dengan kemajuan teknologi yang terdapat pada ketika ini, terdapat banyak jenis plastik mesra alam atau bio-plastics yang boleh kita gunakan dengan selamat berbanding dengan plastik hasil petroleum. Dan mengambil maklum bahawa kita diberkati dengan bahan-bahan semula jadi bagi menghasilkan plastik mesra alam seperti polylactide acid (PLA) plastic, poly-3-Hydroxybutyrate (PHB) Polyamide 11 (PA 11) dan Bio-Derived Polyethylene. Maka dengan ini, dewan hendaklah mengambil ketetapan untuk meminta Kerajaan untuk meminda satu akta yang mengharamkan penggunaan plastik hasil keluaran petroleum , dan menggantikan penggunaan plastik tersebut dengan plastik mesra alam."

**(Menteri Perumahan dan Kerajaan Tempatan)**

11. PR-1213-U14754

**Datuk Dr. Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa fenomena global warming menjadi sangat serius dan Malaysia tidak terkecuali daripada fenomena ini. Dan mengambil maklum bahawa, fenomena ini telah menjadi keraguan bagi seluruh dunia. Dan mengambil maklum bahawa mengikut kajian yang dijalankan di Amerika Syarikat pada tahun 2002, pelepasan Carbon Dioxide hasil daripada penjanaan kuasa elektrik menyumbang 40% daripada pelepasan Carbon Dioxide yang secara terus menyebabkan kerosakan ozon yang secara langsung pula menyebabkan kepanasan dunia. Dan mengambil maklum juga bahawa hari ini, pembakaran Fossil Fuel dan arang batu sebagai bahan bakar bagi penjanaan kuasa elektrik terbukti memudaratkan kehidupan manusia. Dan mengambil maklum bahawa terdapat banyak teknologi baru bagi menghasilkan tenaga elektrik seperti Pelamis Wave Energy Converter-Ocean Sources , Biomass Fuel, Geothermal Energy, Hydroelectric, Solar Energy, Wind Energy dan Fuel Cell. Maka dengan ini dewan hendaklah mengambil ketetapan untuk meminta Kerajaan untuk menggalakkan penggunaan sumber tenaga alternatif seperti yang disebutkan tadi, terutama sekali di kawasan yang tidak mendapat bekalan elektrik, misalnya di pulau-pulau di perairan negeri Sabah."

**(Menteri Tenaga, Air dan Komunikasi)**

12. PR-1213-U14757

**Datuk Dr. Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa penstrukturan semula subsidi minyak telah membawa impak kepada mutu hidup rakyat. Dan mengambil maklum bahawa kesan penstrukturan ini juga telah menyebabkan Kerajaan menanggung kos subsidi yang lain bagi menstabilkan kesejahteraan hidup rakyat. Dan mengambil maklum bahawa penggunaan petrol sebagai bahan bakar (bagi kenderaan) telah meningkat dengan mendadak sekali. Dan mengambil maklum juga dengan rizab gas asli yang hampir mencapai 100 trilion kaki padu, penggunaan gas asli dalam Natural Gas Vehicle (NGV) haruslah dikembangkan di seluruh negara termasuklah di negeri Sabah dan Sarawak. Maka dengan ini dewan hendaklah mengambil ketetapan untuk meminta Kerajaan untuk menjadikan projek NGV ini sebagai projek nasional, yang mana ianya bukan sahaja dapat menjimatkan wang Kerajaan dari segi subsidi minyak tetapi juga dapat mengurangkan kesan pemanasan dunia."

**(Menteri Perdagangan Dalam Negeri dan Hal Ehwal Pengguna)**

13. PR-1213-U15554  
**Dr. Tan Seng Giaw [ Kepong ]** akan mencadangkan:-

"Bahawa Dewan ini membincangkan kedudukan undang-undang dan kesesuaian Draf Pelan Bandar Raya Kuala Lumpur 2020 untuk mewujudkan KL sebagai Bandar Raya Bertaman Tropika dan Bertaraf Dunia. Dewan juga hendak membahaskan pelbagai aspek termasuk penggunaan tanah dan kepadatan kependudukan KL."

**(Menteri Wilayah Persekutuan)**

14. PR-1213-U15555  
**Dr. Tan Seng Giaw [ Kepong ]** akan mencadangkan:-

"Bahawa Dewan ini membahaskan setakat mana wujudnya kerjasama dari semua pihak dengan Institut Integriti Malaysia untuk meningkatkan integriti dan masalah dan menghapuskan rasuah di negara ini."

**(Perdana Menteri)**

15. PR-1213-U16405  
**Puan Teresa Kok Suh Sim [ Seputeh ]** akan mencadangkan:-

"Bahawa Dewan ini mengambil keputusan untuk membenarkan siaran langsung sidang Dewan Rakyat melalui televisyen supaya rakyat boleh menonton ucapan para Ahli Berhormat dan proses Dewan Rakyat membuat keputusan terhadap dasar dan undang-undang."

**(Menteri Penerangan)**

16. PR-1213-U16408  
**Puan Teresa Kok Suh Sim [ Seputeh ]** akan mencadangkan:-

"Bahawa Dewan ini mengambil keputusan untuk memulihkan pilihan raya Kerajaan Tempatan demi menjadikan perkhidmatan Kerajaan Tempatan di negara kita lebih berkesan di samping memulangkan hak kepada rakyat untuk memilih Datuk Bandar dan ahli Majlis Kerajaan Tempatan."

**(Menteri Perumahan dan Kerajaan Tempatan)**

17. PR-1213-U16411

**Puan Teresa Kok Suh Sim [ Seputeh ]** akan mencadangkan:-

"Bahawa Dewan ini mengambil keputusan untuk mengembalikan Akta Perkhidmatan Parlimen yang telah dimansuhkan pada tahun 1993 sebagai langkah untuk menjadikan Parlimen Malaysia sebagai Parlimen Dunia Pertama."

**(Perdana Menteri)**

18. PR-1213-U16414

**Puan Teresa Kok Suh Sim [ Seputeh ]** akan mencadangkan:-

"Bahawa Dewan ini menyokong cadangan Suruhanjaya Diraja Pembaikan Perjalanan dan Pengurusan PDRM dan YAB Perdana Menteri untuk menubuhkan Suruhanjaya Bebas dan Salah Laku Polis (IPCMC)."

**(Menteri Dalam Negeri)**

19. PR-1213-U14923

**Datuk Eric Enchin Majimbun [ Sepanggar ]** akan mencadangkan:-

"Bahawa Dewan ini menetapkan dengan seriusnya mengikut seksyen 4, Akta 144 Akta Pembangunan Petroleum 1974 agar Kerajaan negeri yang mengeluarkan minyak mentah dinaikkan royalti daripada 5% setelah dipersetujui oleh kedua-dua pihak kepada kadar 20%."

**(Perdana Menteri)**

20. PR-1213-U14926

**Datuk Eric Enchin Majimbun [ Sepanggar ]** akan mencadangkan:-

"Bahawa Dewan ini mempertimbangkan untuk membincang supaya Kerajaan merancang serta menyusun semula kerjasama dengan semua negara-negara yang ada kaitan dengan pembangunan BIMP-EAGA agar negara-negara jiran ini dapat sama-sama membangun serentak untuk mengimbangkan pembangunan dengan negara yang kurang membangun. Penghijrahan pekerja daripada negara jiran sudah tentu dapat dibendung khasnya Pendatang Tanpa Izin (PTI) di Sabah dapat dikurangkan."

**(Perdana Menteri)**

21. PR-1213-U14928

**Datuk Eric Enchin Majimbun [ Sepanggar ]** akan mencadangkan:-

"Bahawa Dewan ini membincang dengan seriusnya agar perusahaan penanaman padi dapat digembleng dan dipertingkatkan. Kawasan-kawasan sesuai yang terbiar seharusnya diusahakan demi untuk menampung keperluan makanan utama kita. Kerajaan seharusnya mempertimbangkan bantuan kewangan serta nasihat teknikal dalam perusahaan yang murni ini."

**(Menteri Pertanian dan Industri Asas Tani)**

22. PR-1213-U16495

**Tuan Fong Kui Lun [ Bukit Bintang ]** akan mencadangkan:-

"Bahawa Dewan ini meluluskan ketetapan bahawa kerajaan persekutuan hendaklah memulihkan semula pilihan raya kerajaan tempatan di semua majlis / dewan bandar raya dan majlis perbandaran seluruh negara dengan mengambil tindakan meminda Perlembagaan Persekutuan dan Akta Kerajaan Tempatan 1976 bagi maksud tersebut supaya perwakilan rakyat di dalam Kerajaan Tempatan dikembalikan semula selaras dengan amalan demokrasi berparlimen di Malaysia dan tuntutan rakyat sebagaimana yang dijemakan dalam keputusan Pilihan Raya Umum 2008 yang mencerminkan kehendak dan hasrat rakyat."

**(Menteri Perumahan dan Kerajaan Tempatan)**

23. PR-1213-U16496

**Tuan Fong Kui Lun [ Bukit Bintang ]** akan mencadangkan:-

"Bahawa Dewan ini bersetuju supaya Kerajaan Persekutuan membina sebuah Muzium memperingati kapitan Yap Ah Loy bagi mengenang jasa mendiang sebagai pembuka dan bapa pembangunan awal Kuala Lumpur untuk tatapan masyarakat Malaysia dan antarabangsa."

**(Menteri Perpaduan, Kebudayaan, Kesenian dan Warisan)**

24. PR-1213-U16497

**Tuan Fong Kui Lun [ Bukit Bintang ]** akan mencadangkan:-

"Bahawa Dewan ini membantah tindakan Kerajaan Persekutuan di bawah Kementerian Kemajuan Luar Bandar dan Wilayah membentuk JKKKP di kampung-kampung dalam negeri-negeri yang diperintah oleh kerajaan campuran Pakatan Rakyat kerana ia bertindan dengan JKKK sedia ada yang ditadbir oleh pejabat daerah di negeri-negeri tersebut menyebabkan rakyat berpecah-belah, berpuak-puak dan didiskriminasikan, sebaliknya merestui JKKK sedia ada dengan menyalurkan peruntukan secara sama rata dan adil."

**(Menteri Kemajuan Luar Bandar dan Wilayah)**

25. PR-1213-U16498

**Tuan Fong Kui Lun [ Bukit Bintang ]** akan mencadangkan:-

"Bahawa Dewan ini bersetuju untuk mendesak Kementerian Wilayah Persekutuan dan Dewan Bandaraya Kuala Lumpur yang dalam proses Draf Pelan Tempatan 2020 menetapkan dasar tegas untuk tidak mengambil tindakan di bawah Akta Pengambilan Tanah 1960 ke atas tanah-tanah milik persendirian di Kuala Lumpur bagi melaksanakan cadangan pelan yang bertentangan dengan kepentingan dan kehendak rakyat."

**(Menteri Wilayah Persekutuan)**

26. PR-1213-U14755

**Tuan Kulasegaran A/L Murugeson [ Ipoh Barat ]** akan mencadangkan:-

"Bahawa Dewan ini hendaklah membahaskan perubahan dasar iaitu Sistem Pendidikan kini yang amat dipinggirkan dan tanda-tanda yang amat mudah dilihat ialah rendahnya anggaran peruntukan pendidikan yang disediakan untuk kaum bukan bumiputera. Pada masa yang akan datang, pengamalan yang negatif ini akan melumpuhkan kegiatan pengembangan dalam bidang pendidikan dan akibatnya akan mengalami stagnasi yang luar biasa untuk satu kaum. Maka dengan ini Dewan hendaklah mengambil ketetapan untuk meminta Kerajaan bagi menggalakkan dan memberikan peluang untuk reformasi bidang pendidikan di negara agar setiap generasi dan kaum dapat dibentuk sesuai dengan tuntutan zamannya dan bagi perubahan tersebut, kadar nisbah harus dimansuhkan dan pinjaman pendidikan harus dibuka kepada kesemua rakyat Malaysia yang layak untuk mendapatnya."

**(Menteri Pelajaran)**

27. PR-1213-U14756

**Tuan Kulasegaran A/L Murugeson [ Ipoh Barat ]** akan mencadangkan:-

"Bahawa dengan ini Dewan hendaklah mengambil satu ketetapan untuk meminta Kerajaan Malaysia untuk membina 100 buah Sekolah Cina dan 50 buah Sekolah Tamil yang baru tanpa apa-apa keraguan perbezaannya dalam jangka masa yang singkat."

**(Menteri Pelajaran)**

28. PR-1213-U15524  
**Tuan Salahuddin Bin Haji Ayub [ Kubang Kerian ]** akan mencadangkan:-

"Bahawa Dewan ini mengambil ketetapan supaya ditubuhkan majlis yang dinamakan Majlis Tindakan Perancangan Tenaga Negara (MTPTN) yang, antara lain akan membincangkan langkah-langkah pro-aktif Kerajaan untuk menghadapi kemungkinan berlakunya krisis harga bahan api fosil dunia yang sering kali di manipulasi oleh pasaran minyak mentah antarabangsa. Majlis ini akan berperanan mengikut terma-terma berikut berperanan mengenal pasti dan seterusnya melantik pakar-pakar dalam bidang-bidang berkaitan dari pihak Kerajaan, swasta, badan-badan bukan Kerajaan (NGOs) dan parti-parti politik menganggotai MTPTN, MTPTN berperanan mengemukakan Pelan Induk (Master Plan) untuk membolehkan Kerajaan membuat perancangan jangka pendek dan jangka panjang di dalam menghadapi apa jua kemungkinan yang melibatkan krisis harga minyak di pasaran dunia dan mengkaji dengan penuh tanggungjawab bagaimana penstrukturan subsidi minyak boleh diagihkan dengan lebih adil dan kompeten kepada golongan sasar di negara ini."

**(Menteri Tenaga, Air dan Komunikasi)**

29. PR-1213-U15526  
**Tuan Salahuddin Bin Haji Ayub [ Kubang Kerian ]** akan mencadangkan:-

"Bahawa Dewan ini mengambil ketetapan supaya ditubuhkan satu Jawatankuasa Tertinggi peringkat kebangsaan bagi membolehkan Kerajaan melihat dan mengkaji semula peranan dan masa depan Sekolah-sekolah Agama Rakyat (SAR) yang semakin lumpuh akibat daripada sikap Kerajaan sendiri yang menghentikan pemberian bantuan per kapita pada tahun 2002."

**(Perdana Menteri)**

30. PR-1213-U15527  
**Tuan Salahuddin Bin Haji Ayub [ Kubang Kerian ]** akan mencadangkan:-

"Bahawa Dewan ini mengambil ketetapan supaya dikaji prestasi dan kompetensi Ketua Polis Negara dan Peguam Negara yang semakin dipersoalkan kredibiliti mereka oleh rakyat pada masa ini. Oleh itu, satu Tribunal Khas hendaklah ditubuhkan segera bagi mengembalikan integriti pasukan polis dan Jabatan Peguam Negara dan seterusnya memulihkan kepercayaan rakyat terhadap sistem penguatkuasaan dan pendakwaan di negara ini."

**(Perdana Menteri)**

31. PR-1213-U15528  
**Tuan Salahuddin Bin Haji Ayub [ Kubang Kerian ]** akan mencadangkan:-

"Bahawa Dewan ini mengambil ketetapan supaya satu kajian secara holistik hendaklah dijalankan terhadap kepekaan Kerajaan terhadap peranan golongan kurang upaya (OKU) di negara ini. Masih lagi terdapat banyak ruang yang memerlukan tindakan lebih serius Kerajaan untuk membela nasib dan masa depan golongan OKU ini. Ketidakpedulian pihak-pihak tertentu khususnya pihak swasta dan Kerajaan sendiri telah mengakibatkan golongan OKU tercicir terutama untuk mendapatkan hak mereka seperti peluang pekerjaan, kemudahan asas dan rawatan kesihatan."

**(Menteri Pembangunan Wanita, Keluarga dan Masyarakat)**

32. PR-1213-U15530  
**Tuan Salahuddin Bin Haji Ayub [ Kubang Kerian ]** akan mencadangkan:-

"Bahawa Dewan ini mengambil ketetapan supaya semua tanah rizab Melayu yang ditukar status untuk projek-projek Kerajaan Persekutuan dan negeri hendaklah disegerakan pengantiannya dengan kawasan lain yang mempunyai nilai harga yang sama."

**(Menteri Sumber Asli dan Alam Sekitar)**

33. PR-1213-U15531  
**Tuan Salahuddin Bin Haji Ayub [ Kubang Kerian ]** akan mencadangkan:-

"Bahawa Dewan ini mengambil ketetapan supaya disegerakan semua usaha untuk memperbaiki serta meningkatkan pentadbiran, kebajikan dan pembangunan Orang Asli."

**(Menteri Kemajuan Luar Bandar dan Wilayah)**

34. PR-1213-U14893  
**Dr. Ramasamy a/l Palanisamy [ Batu Kawan ]** akan mencadangkan:-

"Bahawa Dewan ini meminta Kerajaan Malaysia untuk memainkan peranan yang lebih positif dalam proses mencari pendamaian di Selatan Thailand, Selatan Filipina dan Utara Sri Lanka. Pengalaman Malaysia dalam mentadbir dan mengurus kepelbagaian etnik dan agama boleh digunakan untuk mengagihkan pengetahuan yang berguna kepada negara-negara ini."

**(Menteri Luar Negeri)**

35. PR-1213-U14894  
**Dr. Ramasamy a/l Palanisamy [ Batu Kawan ]** akan mencadangkan:-

"Bahawa Dewan ini menyedari iaitu kakitangan akademik di Institut-institut Pengajian Awam Negara adalah didominasi oleh satu golongan etnik. Dewan ini meminta Kerajaan Malaysia untuk memastikan bahawa lebih ramai calon daripada golongan bukan bumiputera dilantik sebagai kakitangan akademik pada masa depan agar mencerminkan komposisi multi-etnik negara." "

**(Menteri Pengajian Tinggi)**

36. PR-1213-U14896  
**Dr. Ramasamy a/l Palanisamy [ Batu Kawan ]** akan mencadangkan:-

"Bahawa Dewan ini meminta Kerajaan Malaysia supaya mengambil langkah-langkah efektif untuk membina lebih banyak sekolah-sekolah Jenis Kebangsaan Cina dan Tamil demi menjaga kepentingan serta memenuhi keperluan masyarakat Cina dan India di negara ini."

**(Menteri Pelajaran)**

37. PR-1213-U15687  
**Tuan Liew Chin Tong [ Bukit Bendera ]** akan mencadangkan:-

"Bahawa Dewan ini membuat ketetapan bahawa sebarang pembelian aset atau sistem pertahanan yang melebihi RM100 juta oleh Kementerian Pertahanan, mesti di bahas di Parlimen dan diaudit oleh Jabatan Audit Negara bagi mempertingkatkan integriti dan keberkesanan jangka panjang pembelian sistem pertahanan. "

**(Menteri Pertahanan)**

38. PR-1213-U15416  
**Tuan William Leong Jee Keen [ Selayang ]** akan mencadangkan:-

"Bahawa Dewan ini membahaskan tuntutan Singapura untuk meluaskan zon ekonomi eksklusif dari Batu Puteh dan langkah-langkah yang patut diambil oleh Kerajaan untuk menentang tuntutan ini."

**(Menteri Luar Negeri)**

39. PR-1213-U14683

**Dr. Che Rosli bin Che Mat [ Hulu Langat ]** akan mencadangkan:-

"Bahawa Dewan ini mendesak pihak Kerajaan bagi memperkukuhkan sistem pengangkutan awam yang cekap, tepat, pantas dan murah serta mempunyai satu sistem yang berintegrasi antara satu sama lain. Jaringan pengangkutan tersebut harus diperluas ke seluruh pelosok negara tidak terhad hanya kepada bandar-bandar utama sahaja."

**(Menteri Pengangkutan)**

40. PR-1213-U14684

**Dr. Che Rosli bin Che Mat [ Hulu Langat ]** akan mencadangkan:-

"Bahawa Dewan ini mendesak pihak Kerajaan bagi mengurangkan kursus, seminar dan kegiatan pelancongan ke luar negara sebaliknya menggantikan lokasi tersebut ke dalam negara. Ini bagi menjimatkan kos perbelanjaan Kerajaan seterusnya merancakkan industri pelancongan dalam negara yang terjejas teruk akibat kenaikan harga petrol dan barangan keperluan. Ia juga dapat membantu pengusaha-pengusaha yang bergantung pendapatannya dengan kegiatan pelancongan seperti perhotelan, rekreasi dan seumpamanya."

**(Menteri Pelancongan)**

41. PR-1213-U15521

**Tuan Gwo-Burne Loh [ Kelana Jaya ]** akan mencadangkan:-

"Bahawa Dewan ini mengambil maklum bahawa Kerajaan Malaysia sebagai anggota Majlis Hak Asasi Manusia Bangsa-Bangsa Bersatu dalam menguatkuasakan Resolusi 62/149 Bangsa- Bangsa Bersatu mengenai Moratorium terhadap hukuman mati yang telah dikuatkuasakan oleh Perhimpunan Agung Bangsa-bangsa Bersatu pada 18 Disember 2007 di mana bersetuju bahawa negara-negara yang masih mengamalkan hukuman mati diminta untuk menghentikan penggunaan hukuman mati dan mengurangkan jumlah hukuman yang membawa hukuman mati secara berperingkat dan melaksanakan moratorium terhadap kesemua hukuman-hukuman mati dengan hasrat untuk menghapuskan hukuman ini sama sekali. Maka dengan ini Dewan hendaklah mengambil ketetapan untuk meminta Kerajaan melalui Kementerian Luar Negeri untuk membantu mematuhi Moratorium tersebut dan meminda undang-undang yang bercanggah dengan Moratorium tersebut. "

**(Menteri Luar Negeri)**

42. **Tuan Sivarasa a/l K. Rasiah [ Subang ]** akan mencadangkan:-

"Bahawa Dewan ini memberikan kebenaran menurut Peraturan Mesyuarat 49(1) kepada YB. Ahli bagi Kawasan Subang untuk mencadangkan suatu Rang Undang-undang Ahli Persendirian bernama Rang Undang-undang Kebebasan Maklumat 2008."

**(Menteri Dalam Negeri)**

43. **Puan Teresa Kok Suh Sim [ Seputeh ]** akan mencadangkan:-

"Bahawa Dewan ini mengkritik Kerajaan Barisan Nasional menggunakan Akta Keselamatan Dalam Negeri untuk menahan pemberita Sin Chew Jit Poh Cik Tan Hoon Cheng, penulis blog Raja Petra Kamaruddin dan Ahli Parlimen Seputeh YB Teresa Kok dalam bulan September tahun ini. Dewan ini juga memegang pendirian bahawa Akta Keselamatan Dalam Negeri merupakan akta yang tidak adil dan bercanggah dengan keadilan sejati (natural justice) dan hak asasi manusia, dan mengambil pendirian bahawa akta ini dimansuhkan."

**(Menteri Dalam Negeri)**